

# مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اظطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشوره اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخیسی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندربلیرسه سنوی

۲۰ غروش فضله آلنیر

۱۰ تموز ۳۲۴

| سنه لکی            | التی آیلغی | غروش |
|--------------------|------------|------|
| مملک عثمانیه ایچون | ۶۵         | ۳۵   |
| روسیه              | ۶۰۰        | ۳۰۰  |
| سائر ممالک اجنبیه  | ۱۷         | ۹    |

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

## قونفرانس

### انکلیز لک اولیما تومی مناسبتیله ایران حقنده

قونفرانس، تشرین اولک اونجی بازار کونی، یک اوغلنده اودهئون تیاتروسنده آلانورقه ساعت طغوزده، ویرله جکی اعلان اولوغشیدی. دها سکز بچی اوله دن بتون قولتوقلر ولوجهلر خنجا خنچ دولمشیدی: عثمانیلر ایرانیلر، تاتارلر... بتون اقوام مخلفه اسلامییه منسوب منورالفکر، کزیده ذوات... بر جوق ضابطان محترمه عثمانیه.. ارمیلردن وسائر اقوام شرقیه دن بعض ذوات.. انکلتزه و آمریقا باش ترجمانلری و دها بعض سفارتلره منسوب ذوات.. بر خیلده اجنبی غزته مخبرلری... قونفرانس ساعت طغوزده باشلادی. آردهه بش دقیقه لق بر فاصله ایله کیجه ساعت بره قدر درت ساعت متادیا دوام ایتدی. خطبای کرام، قاردا یک حضرتلری طرفدن برر برر حضار کرامه تقدیم اولونبوردی. هربری طرفندن مهم مهم نطقلر ایراد بیورلدی، بتون دردلر اورتیه دوکولدی. مسئله نکه اهمیت فوق العاده سنه مبنی بتون نطقلر عیناً ضبط اولونه رق بروج آتی صره سیله درج اولوندی:

### قاردا یک نطقی

محترم قارداشلر،

بوکون سز قارداشلر مزی بورایه دعوت ایدیشیمزک سببی، انکلتزه حکومتک صوک کونلرده ایران دواته ویردیکی اولتیماتوم در. ایرانک ماضیسی و حال حاضری و اوکا قارشی بسله ن فکرلر، اورویاچه، با خصوص ایکی دوات معظمه جه او یله قاریشیق بر مسئله تشکیل ایدیورکه بو باده تنویر افکار ایچون بر جوق ایضاحات و معلومات اعطاسنی مجبوری و الزم کوریورز. بوندن طولانی بو مجلسی ترتیب ایدهرک ایران و شرقک احوالنه، اورویا لیلرک دسائسنه و قوفی اولان قارداشلر مزدن فکر مزی تنویر ایچون بر قونفرانس ویرملرینی رجا ایتدک. ایلك اول ایراد نطق بیوره جق ذات، ایران علمای کرامندن اولوب اوج درت سنه دن بری انقلاب ایچنده حیات کچین و بیوک بیوک خدمتله ایفاسنه موفق اولان و نجف اشرفده کی حریت پرور مجاهدلرک نماینده سی، تمثال فضل و حمیتی بولونان حاجی شیخ اسدالله افندی حضرتلریدر، تقدیم ایدیورم... [القیشلر]

### شیخ حاجی اسدالله افندی نطقی

افندیلر، روح ملت و وطنی تجسیم ایدن نجف علماسی طرفندن کرسی خطابه چیه رق بر قاج سوز سویلمک ایچون مساعده کزی استرحام ایدیورم. افندیلر، بنم بوسوزلرمی همان هیئت کرامک ترجمان افکار و حسیاتی دیه تلقی بیورم کزی رجا ایلم.

ایران احوالنه، ماضیسنه، تاریخنه دائر سائر برادران کرامز طرفندن نطقلر ایراد اولنه جقدر. بنده کزک عرض ایتک ایسته دیکم شودرکه: اوتنه دن بری اورویا دولتلری، عالم اسلامک تعصب و جهالت ایچنده پویان اولدقلرینی هر زمان باشمزه اوره رق بزی و طولانی سیله اسلامیتی و بتون مسلمان عالمی انواع تهمت ایله اتهام ایدرلر، و بو اتهاماتک قسم اعظمی علمایه تحمیل ایلرلر دی.

بو حالی کورهرک متأثر اولدیغمز جهته بو مسئولیتی اوزر مزدن قالدیرم و اسلامیتک روح و اساسی عدالت و مشروطیت اولدیغی

بتون جهانیه کوستردم، دیدک. و بونک اوزرینه مجاهداته کیریشدک. بویولده بتون مشکلاتی اقتحامه عزم ایتدک، هر درلو فدا کارلغه آماده اولدق. نه قدر موانعه دوچار اولدق، فقط هیچ بری عزمیزی قیره مدی، یولزدن بزی چیره مدی. بزهر درلویا ایجابات زمانی نظر دقته آهرق، اوروپادن کلن انسانیت و مدنیت جریانلرینی استقبال ایدهرک بتون موجودیتلر ایله تجدد و تعالییه چالیشدق. بزطن ایدیورددق که بو خصوصده اورویا بزده دست معاونتی اوزاده جق، هر درلوتسهیلاتی ابراز ایدهرک، فقط مع الأسف بو ظنمزک بوسبتون عکسی ظهور ایلدی، بتون چالشدقلر مز محو اولوب کتدی. بز نه ایچون بو قدر اوغراشیوردق؟ بز ایسته یوردق که وطنمز محفوظ قالسون، ملتمز حر یاشاسون. لکن اجنبی انترقه لری مساعیمزی عقیم بر اقدی. معلوم کزدر که ایران ملتی مدنیته و انسانیت خدمت ایتش بیکلرجه سنه لک قدمه مالک بر ملت در. ماضیده مدنیته خدمتی سبق ایتدیکی کی استقبالدهده انسانیت چالشمغه آماده در، رمضا بونک ایچون مجاهداته قیام ایتدی. بز نه قدر چالیشدق که اجنبی بیوندوروغی آلتیه کیرمیه لم: مع التأسف مجاهدات مزی عقیم بر اقمغه قالدیلر. ایران نه ایچون مجاهده ایدیوردی؟ ایران حریتدن، عدالتدن باشقه نه ایسته یوردی. ایران بو عاقبتیه لایقی ایدی؟ فقط طشاش اوزاقدن کلز، دیرلر. حقیقت اوله در. بز انکلتزده یی دوست، حریت پرور ظن ایدیورددق، انسانیت پرور بیلیوردق!.. نه قدر آلدائشمز! قوجه حریت پرور دولت! نه اولدیغی اثبات ایتدی! بزه بر اولتیماتوم ویردی: اوج آیه قدر اغتشاشک اوکئی آلماز سق ایرانیه کیره جکمش.. کویا جنوبده اغتشاش و ارمش ایشته ایران وقایعی کوز اوکنده جریان ایدیور. بتون دنیا بیلر که جنوبده اجنبی مداخله سنی موجب اوله جق براغتشاش اولماه مشدر. فقط مقصد بللی در: استقلال مزی محو ایتک. وطنمزه تعرض ایلمک ایستیورلر. لکن بو متعرضلر و بتون جهان بیلملی در که ایران اولیه جکدر، ایران أسیر اولمایه جقدر. بونی بتون ایران ملتک، بتون ایران علماسنک ترجمان افکار و اوله رق سویلیورم. مع مافیه ظن ایدیورمکه حریت و استقلال اوغرنده میلیونلرجه قربان ویرن و وطنلرینه بحق مهاد حریت عنوان مفخرتی قراندیرن قوجه انکلتزه ملت نجیبی بو وحشته اشتراک ایتیه جکدر. چونکه اشتراکی تاریخ و روحه قارشی بر حرکت در که بز انکلیزلری بودر که دن عالی کورمک ایستز خلاصه یدی، سکز بیک سنه استقلالی محافظه ایتش بر قوم هیچ بر زمان اسارت آلتیه کیره مز. دائماً حر یاشامش ملتمز هر درلو فدا کارلغه حاضر در. بز استقلالمز اوغورنده اولورز، قادیلره، چوجقلره ورنجهیه قدر. بتون افراد ملت بو خصوصده یکوجود و متحد در. بر مقتضای دیانت تک بر وجود قالنجهیه قدر بتون ملت دشمنه نجه لشیر، ینه وطنی، استقلالی ترک ایتز. ایرانی ماکل اتحاد ایلمک ایسته یین آچار بیلملی درلر که ایران قان دریاسنه تحول ایتدکجه هر درلو استفاده دن محروم بر خرابه زاره دونمکجه دشمن آله کچمیه جکدر... [شدتلی القیشلر]